



SMJERNICE ZA UKLJUČIVANJE U PROJEKT

za

JAVNI POZIV

**za odabir korisnika grant sredstava
„Podrška razvoju kantona“ za 2020. godinu**

Projekt br. 2

"Subvencije obrtima za nabavku opreme i alata i repromaterijala"

Tuzla, septembar 2020. godine



PROJEKT br.2: *Subvencije obrtima za nabavku opreme i alata i repromaterijala*

Ciljevi projekta

Ciljevi koji se žele postići su: održivost, rast i razvoj obrta sa sjedištem na području Kantona.

Namjena sredstava

Nepovratna sredstva mogu se koristiti za subvencioniranje troškova nabavke opreme i alata i repromaterijala. Oprema, alat i repromaterijal koji se nabavljaju moraju biti namjenjeni djelatnosti koju obrt obavlja. Nije dozvoljena nabavka kancelarijskog namještaja i materijala.

Kriteriji za izbor korisnika sredstava:

Rb	Kriterij	Uslovi	Broj bodova	Izvor verifikacije
1.	Vrsta djelatnosti	Proizvodna	3	Rješenje o registraciji; Obavještenje o razvrstavanju pravnog lica prema klasifikaciji djelatnosti
		Proizvodno-uslužna	2	
		Uslužna	1	
2.	Broj zaposlenih osoba	5 i više zaposlenih	5	Lista osiguranih lica za obveznika za prethodni mjesec u odnosu na dan apliciranja u 2020. godini izdata od Poreske uprave FBiH
		4 zaposlena	4	
		3 zaposlena	3	
		2 zaposlena	2	
		1 zaposleni	1	
3.	Smanjenje prihoda	preko 60%	5	Periodični izvještaj fiskalne kase (za period od aprila do augusta uključujući i august mjesec u odnosu na isti period prethodne godine)
		41 - 60%	3	
		20 - 40%	1	
		0 - 19%	0	
		2 i više zaposlena	2	Potvrda/uvjerenje o



4.	Broj zaposlenih iz kategorije lica sa invaliditetom ¹	1 zaposleni	1	invalidnosti od nadležnog organa
		nema zaposlenih iz ranjivih kategorija	0	
5.	Kvalitet projekta (unapređenje poslovanja, razvoj i modernizacija, inovativnost, održavanje zaposlenosti, povećanje prometa)		5	Zahtjev za uključivanje u projekat sa obrascem projekta; Baza podataka Ministarstva
			4	
			3	
			2	
			1	
6.	Dosadašnji grant poticaji od strane Ministarstva privrede Tuzlanskog kantona (za period 2017 - 2019. godina)	Podnosilac prijave nije bio korisnik	3	Zahtjev za uključivanje u projekat sa obrascem projekta; Baza podataka Ministarstva privrede
		Podnosilac prijave je bio samo jednom korisnik	2	
		Podnosilac prijave je bio dva i više puta korisnik	1	
7.	Ravnomjerniji regionalni razvoj (stepen razvijenosti JLS)	< 0,75	3	Zahtjev za uključivanje u projekat sa obrascem projekta; Rješenje o registraciji
		0,75 - 1,00	2	
		1,00 i više	1	

Izbor korisnika grant sredstava vrši Komisija za odabir korisnika sredstava. Komisija za odabir korisnika sredstava imenuje ministar privrede u Vladi Tuzlanskog kantona. Komisija, na osnovu kriterija za bodovanje, vrši bodovanje prispljelih prijava koje ispunjavaju uslove iz Javnog poziva.

¹ Lice sa invaliditetom, u smislu Zakona o profesionalnoj rehabilitaciji, osposobljavanju i zapošljavanju lica sa invaliditetom FBiH, jeste lice kod kojeg postoji tjelesno, čulno ili mentalno oštećenje koje za posljedicu ima trajnu ili privremenu, a najmanje 12 mjeseci smanjenu mogućnost rada i zadovoljavanja ličnih potreba u svakodnevnom životu.



U slučaju jednakog broja bodova prednost ima kandidat, po redoslijedu važnosti, koji je dobio više bodova po slijedećim kriterijima za bodovanje korisnika:

- a) vrsta djelatnosti,
- b) broj zaposlenih.

U slučaju da i nakon provedene procedure dodatnog bodovanja korisnici imaju isti broj bodova, konačnu odluku donosi Komisija za odabir korisnika nepovratnih sredstava sa pozicije „Podrška razvoju Kantona“ (u daljem tekstu: Komisija). Komisija sačinjava Preliminarnu rang listu korisnika sredstava sa pozicije „Podrška razvoju Kantona“ za 2020. godinu i Listu podnosilaca čije su prijave neblagovremene, nepotpune i neosnovane koje se objavljuju na web stranici Vlade Tuzlanskog kantona: <http://www.vladatk.gov.ba/>.

Na objavljene liste svi kandidati imaju pravo prigovora koji se podnosi Ministarstvu u pisanoj formi, u roku od osam dana od dana objavljivanja listi na web stranici Vlade Tuzlanskog kantona.

Nakon isteka roka za prigovor i nakon rješavanja po uložnim prigovorima u roku od 15 dana od dana isteka roka za podnošenje prigovora Ministar donosi Konačnu rang listu korisnika sredstava sa pozicije „Podrška razvoju Kantona“ za 2020. godinu, koja se objavljuje na web stranici Vlade Tuzlanskog kantona: <http://www.vladatk.gov.ba/>.

Na osnovu Konačne rang liste korisnika sredstava Ministar donosi pojedinačne odluke o odobravanju sredstava korisnicima.

Na osnovu pojedinačnih odluka doznačavaju se sredstva na transakcijski račun korisnika. Sa odabranim korisnicima Ministarstvo privrede Tuzlanskog kantona potpisuje pojedinačne ugovore.

Korisnici sredstava

Korisnici sredstava su obrtnici registrirani u skladu sa Zakonom o obrtu i srodnim djelatnostima („Službene novine Federacije Bosne i Hercegovine“, broj: 35/09 i 42/11) i Uredbom o vezanim i posebnim obrtima („Službene novine Federacije Bosne i Hercegovine“, broj: 66/09, 62/10 i 16/12), te obrtnici koji obavljaju obrtničku djelatnost u skladu sa Uredbom o zaštiti tradicionalnih i starih zanata („Službene novine Federacije Bosne i Hercegovine“, broj: 66/09, 38/10 i 16/12) sa sjedištem na području Tuzlanskog kantona.

Uslovi koje korisnici moraju ispuniti za dodjelu sredstava su da:

- registrovana djelatnost ne spada u oblast trgovine (izuzev grane 45.2 - Održavanje i popravak motornih vozila u skladu sa Klasifikacijom djelatnosti KDBiH 2010 („Službeni glasnik BiH“, broj 47/10), turizma, ugostiteljstva, prevoza stvari, roba i putnika (izuzev grane 52.1 Skladištenje robe);
- su obrtnici koji svoju djelatnost obavljaju kao osnovnu djelatnost;



- uredno izmiruju direktne poreze, doprinose za PIO/MIO i zdravstveno osiguranje;
- uredno izmiruju indirektne poreze, ukoliko su u sistemu PDV-a;
- su opravdali ranije dodijeljena finansijska sredstva od strane Ministarstva privrede;
- do sada nisu ostvarili finansijska sredstva za predloženu namjenu iz drugog izvora.

Iznos sredstava

Sredstva za predmetne namjene dodjeljivat će se korisnicima u maksimalnom iznosu:

- do 6.000,00 KM (slovima: šest hiljada konvertibilnih maraka) za proizvodnu i proizvodno-uslužnu djelatnost;
- do 3.000,00 KM (slovima: tri hiljade konvertibilnih maraka) za uslužnu djelatnost.

Komisija će izvršiti raspodjelu sredstava u skladu sa ostvarenim bodovima podnosilaca prijava.

Troškovi koji se priznaju odnose se isključivo na direktne troškove nastale realizacijom namjene nabavke opreme i alata i repromaterijala.

Sadržaj prijave

Prijava mora obavezno sadržavati:

Pravilno popunjen **Zahtjev za uključivanje u projekt** (sastavni dio dokumentacije koji podnosioci prijava preuzimaju na web stranici Vlade TK uz objavljen Javni poziv):

- Podaci o podnosiocu zahtjeva - Popuniti sva polja u poglavlju;
- U poglavlju 1. **Obrazac projekta dio 1. - Sažetak projekta**, ukratko opisati elemente planiranog projekta, cilj i način na koji će on doprinijeti razvoju obrta;
- U dijelu 2. **Namjena utroška finansijskih sredstava**:
 - Napomena: Izbor korisnika vršit će se isključivo na osnovu šifre djelatnosti iz Obavještenja o razvrstavanju poslovnog subjekta prema djelatnosti koju izdaje Zavod za statistiku.
 - Podaci o nabavci opreme, navesti tražene podatke za opremu koju namjeravate nabaviti,
 - Učešće u realizaciji projekta, upisati koliki iznos se finansira sredstvima Ministarstva, a koliki vlastitim učešćem.



- *U dijelu 3 - Period implementacije projekta* za realizaciju predmetne namjene određuje Ministarstvo u trajanju od 60 dana (podnosilac prijave ne ispunjava ovu rubriku Zahtjeva za prijavu).

Na kraju dokumenta obavezno navesti mjesto, datum i potpis odgovorne osobe, te staviti otisak pečata obrta.

1. Potrebna dokumentacija

- **Kopija** Rješenja o registraciji od nadležnog općinskog organa za obrte;
- **Kopija** Uvjerenja o poreznoj registraciji – ID broj;
- **Original ili ovjereni fotokopiji** Uvjerenja o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od Poreske uprave Federacije BiH, ne starije od tri mjeseca od dana podnošenja prijave;
- **Original ili ovjereni fotokopiji** Uvjerenja o urednom izmirenju indirektnih poreza, izdato od Uprave za indirektno oporezivanje, ne starije od 3 mjeseca od dana podnošenja prijave (ukoliko je u sistemu PDV-a) odnosno potpisana i ovjereni Izjava od strane podnosioca zahtjeva da podnosilac nije u sistemu PDV-a;
- **Original ili ovjereni fotokopiji** Liste osiguranih lica za obveznika za prethodni mjesec u odnosu na dan apliciranja u 2020. godini izdata od Poreske uprave Federacije BiH;
- **Kopija** Obavještenja o razvrstavanju pravnog lica prema klasifikaciji djelatnosti;
- **Kopija** Potvrde/uvjerenja o invalidnosti od nadležnog organa;
- Predračun sa specifikacijom troškova, izdat od subjekta od kojeg se planira nabaviti oprema i alati i repromaterijal;
- **Kopija** kartona deponovanih potpisa (spesimen) ili drugi dokaz o broju transakcijskog računa podnosioca prijave kod banke;
- Izjava o korištenim pomoćima male vrijednosti **potpisana i ovjereni od strane poslovnog subjekta** (dostupna na web stranici Vlade TK uz Javni poziv).

Navedenu dokumentaciju potrebno je priložiti uz Zahtjev za uključivanje u projekt sa obrascem projekta.

Ministarstvo privrede zadržava pravo da od podnosioca zahtjeva zatraži dodatnu dokumentaciju kao i pravo provjere svih podataka navedenih u dostavljenoj dokumentaciji.



Način podnošenja prijave

Prijave sa odgovarajućom dokumentacijom, šalju se preporučeno poštom u zapečaćenim kovertama ili lično na adresu:

**Ministarstvo privrede Tuzlanskog kantona
Pisarnica Vlade TK, Rudarska broj 57, 75000 Tuzla,
Ne otvarati – po Javnom pozivu za Projekt broj 2 -
"Subvencije obrtima za nabavku opreme i alata i
repromaterijala"**

Na poleđini koverte obavezno navesti:

- naziv–ime podnosioca prijave;
- adresu i kontakt telefon;
- ovjeriti pečatom podnosioca prijave.

Prijave će biti odbačene i neće biti predmet daljeg razmatranja ako:

- su neblagovremene,
- nemaju sve sadržajne elemente,
- ne ispunjavaju uslove ovog Javnog poziva.

Pravo učestvovanja

Korisnici poticajnih sredstava koji do završetka ovog Javnog poziva nisu izvršili svoje ranije preuzete obaveze po osnovu korištenja poticajnih sredstava ovog Ministarstva, nemaju pravo učestvovanja na ovom Javnom pozivu, odnosno njihove prijave se neće uzeti u razmatranje.

Podnosioci prijava mogu podnijeti prijavu samo po jednom projektu iz ovog Javnog poziva. U slučaju više prijava istog podnosioca po istom ili različitim projektima sve prijave će biti odbačene i neće biti predmet daljeg razmatranja.

Izještavanje o utrošku sredstava

Korisnici sredstava obavezni su dodijeljena sredstva koristiti namjenski i dužni su dostaviti izvještaj na propisanom obrascu „Format izvještaja“ (koji mogu preuzeti nakon zaključenja Ugovora) sa kompletnom dokumentacijom kojom se dokazuje namjenski utrošak sredstava za cijeli program, najkasnije u roku od 60 dana od dana doznake sredstava na račun korisnika.



Ministarstvo vrši nadzor namjenskog trošenja sredstava odobrenim korisnicima na osnovu dostavljenih izvještaja, a po potrebi i neposrednim uvidom kod korisnika sredstava. Za tu namjenu kao polazište se koriste valjani izvori verifikacije navedeni u samoj prijavi.

U slučaju nenamjenskog utroška sredstava, Ministarstvo pokreće postupak za vraćanje istih.

Dokumentacija koja dokazuje namjenski utrošak sredstava mora biti u originalu ili ovjerenoj kopiji (ugovori, računi sa izvodom iz banke kao dokaz o izvršenom plaćanju računa i dr.).

Sa podnosiocima odobrenih prijava Ministarstvo zaključuje ugovore, kojima će se definisati međusobna prava i obaveze ugovornih strana, a posebno način i dinamika korištenja dodijeljenih finansijskih sredstava, te nadzor nad utroškom istih.